



Muumin sēn tar pānga, yēnda sōmblem, n leb n nong Wēnd n yūd muumin sēn yaa valenga, la b fāa yaa sōma,

Yii Abuu Hurayrat nengē (Wēnd yard be a yīnga) a yeelame: Wēnd Tēn-tuuma (Wēnd puusg la A tigr be a yīnga) a yeelame: «Muumin sēn tar pānga, yēnda sōmblem, n leb n nong Wēnd n yūd muumin sēn yaa valenga, la b fāa yaa sōma, maan yā-beed ne būmb ning sēn nafd foomā, la f kos sōngr ne Wēnde la f ra kong ye, la būmb sā n paam foom bi f ra yeele: m sā n da maan woto yitē la woto la woto. La yeele: Wēnd n korde, A sēn ratā me la A maan yā, bala (sā n da yu woto wā) a pakda suutāan tuuma».

[Naṣuṣ Ṣaḥuḥuṣ (Gom-sikdem sēn manege)] [A Muslim n togs-a]

Nabiyaamā (Wēnd puusg la A tigr be a yīnga) vēnegdame n wilgdē, ti muunim fāa gillā yaa sōma, la sūd-kōt ning sēn yaa pāng soabā, a sūd-kūunē wā la a loe-n-wāagē wā la a arzēkē wā, la zēng sēn ka rē, sēn yaa pāngā nems fāa, yē sōmblem n leb n noom Wēnde (A Naam yu wagell n zēke) n yūd sūd-kōt ning sēn yaa valengā. Rē poorē Nabiyaamā (Wēnd puusg la A tigr be a yīnga) a sagla muunim t'a rik sabab-rāmbā yel nins sēn na n naf-a, sēn yaa dūni yela la yaoleem raar yela, n lagem ne sēn na n tik Wēnde, (A yilgame n zēke), n kos sōngr ne-A, la f bobl f meng ne-A. Rē poorē ti Nabiyaamā (Wēnd puusg la A tigr be a yīnga) gidg kongre la kuungo, la yīn-kiiri, ne tuum nins sēn nafd foomā maaneg dūni la laahre. Rēnd sūd-kōt sā n nidg pāng tuum pugē, n rik sabab-rāmbā n kos sōngr ne Wēnde, n bao sōma Wēnd nengē, būmb ka leb n rog yēndā zugu rēndame t'a bobl a yelā gill ne Wēnde, la a bāng tu Wēnd sēn tūus būmb ningā (A Naam yu wagell n zēke) rē la sōma, rēnd masub sā n paam yēnda rē poorē, bi a ra yeele: "m sā n da maan woto yitē la woto la woto"; "Bala (sā n da yu woto wā) a pakda suutāan tuuma" ne fo sēn tōdg Pulengā, la f maan nimis ne sēn loogā. La a sōmb n yelame t'a yaa sēn bas a meng n tū Wēnde n yaa yarda: "Wēnd n korde, A sēn ratā me la A maan yā", Rēnd būmb ning sēn yu wā, a zemsa ne Wēnd sēn rat būmb ningā, bala A maanda A sēn rate, būmb ka be n tōe n tus A Pulengā, A sēn bu būmb ningā me pugd ka be n na n sok ye.

النجاة الخيرية
ALNAJAT CHARITY

